



## МОЛИТВА

Архистратигу Божию Михаилу.

Господи Боже Великий, Царю Безначальный, посли Архангела Михаила избавити нас, рабов Твоих (имена), от врагов видимых и невидимых и от одержавших нас болезней.

О, Господень Великий Архангеле Михаиле, демонов сокрушителю, запрети врагом, борющимся с нами и болезням, одержавшим нас. Сокруши их яко прах пред лицом ветра.

О, Господень Великий Архистратиже Михаиле, первый княже и воевода Небесных Сил и хранителю неизреченных Таин Божиих, буди нам помощник во всех бедах, скорбех и печалех! Избави нас от всякия прелести диавольския и от одержавших нас болезней; ускори на помощь, побори вся противная нам силою Честнаго и животворящаго Креста, молитвами Пречистыя Богородицы, святых Архангел и Ангел, Честнаго, славнаго пророка, Предтечи и Крестителя Господня Иоанна, святаго, славнаго пророка Божия Илии и всех святых пророков и пророчиц; святых славных и всехвальных Апостолов; иже во святых отца нашего святого Николая, Архиепископа Мирлицкого Чудотворца и всех святых святителей; преподобных и Богоносных отцев и матерей; святых Великомучеников и Великомучениц, святых мучеников и мучениц; святых (имена ангелов) и всех святых!

О, Господень Великий Архангеле Михаиле, избави нас рабов Твоих (имена), от одержавших нас болезней, от труса, потопа, огня, меча, от напрасныя смерти и от всякаго зла, от врага льстиваго, и от бури, наносимыя от геены, и от лукаваго. ныне и присно, и во веки веков. Аминь.